

IMMORTALI
MEMORIÆ
Illustrissimi atqve Excel-
lentissimi
HEROIS AC DOMINI,
DN: CHRISTIANI
GULDENLOVII,
DYNASTÆ COMITATUS
SAMSØE,
BARONIS LINDENBURGI,
ORDINIS ELEPHANTINI EQVITIS
AURATI,
SACRÆ REGIÆ MAJEST:
DANIÆ & NORVEGIÆ,
SUMMI CASTRORUM IMPERATORIS
VICARII,
NEC NON SUPREMI CUBICULI REGII, ET REI
TABELLARIÆ PER DANIAM PRÆFECTI,
DOMINI, DUM VIXIT, BENIGNISSIMI,
A.S. M.DCC.II. Idibûs Juliûs Othinæ in Fionia
præmaturò obitu extincti,

Hoc, quicquid est, sacrum esse voluit

JOHANNES TRELLUND,
Exercitûs Danici in Italia militantis nuper Præpositus & Illustrissimo
HEROI à sacris Confessionibus, jam in Academia Regia Havniensi
Eloquentiæ Profesfor P.

HAFNIÆ, Ex Typographéo Joachimi Schmitgen, M.D.CC.VII.

IMMORTALI
MEMORIAE
Illustrissimi ac Revere Exce-
lentissimi
Herodes ac Dominus
DE CHRISTIANO
GULDENLOV
HABITANTE COMITATUS
SAMOE
BARONIS LINDENBURGI
ORDINIS ELEPHANTINI EQVITIS
AVRATI
SACRAE REGIAE MAJEST
DANICAE & NORVEGICAE
SVMME CASTROU LINDENBURGICIS
VICARIIS
HIC NON SUPREMI CONCILII SEDES, ET DEI
TABERNACULUM PER IUDAM IN AEGYPTO
DOMINI, DUM VIXIT, BENIGNISSIMI
A. S. MDCCII. Idibus Julis Obiit in Pionia
paganus obitu celsiss.

JOHANNES TRELLUND
Pastor in loco obitus hujus Theophilus de Holsheim
HOLM 1788. 20. Octobris. Aet. 64. Annus Regis Christiani
Friedrichi IV. 1788.
HABITANTE IN Paganis hujus obitus in Pionia M. DCC. VII.



Auditores Omnium Ordinum Honoratissimi !



Subitaneum nimis & inopinatum Illustrium Animarum à nobis discessum justò desiderio ac dolore prosequi, nec sana ratio unquam Sapientibus disvasit, nec sanctissima Christianis interdixit Religio. Licet enim illa communem omnibus moriendi necessitatem, hæc propriam sanctè morientibus beatitudinem doceat; Illa profundam relictæ vitæ calamitatem, hæc eminentem succedentis ævi gloriam intueri jubeat : Illa deniq; generosam humanorum casuum contemptionem, hæc piam ac submissam Voluntatis Divinæ reverentiam commendet. Nunquam tamen vel universalis miseriæ consideratio omnem privatæ nobis ærumnæ sensum expectaverit ; vel indubia restituendi olim thesauri spes dubiam ulli præsentis jacturæ gravitatem reddiderit. Sed nec ingrati animi levitatem minori studio fugi-

endam nobis, quàm Pietatis & Patientiæ laudem ferendam existimabimus: ne cœcô quodam & oscitanti mortalitatis intuitu in ipsius ferè humanitatis oblivionem incidisse, & dum spei fideiq; jactamus constantiam, non ferendam amoris inconstantiam prodere videamur. Quæ cum ita sint, A. O. O. H. nemo quidem, ut opinor, nisi ILLUSTRISSIMI

HEROIS AC DOMINI,
DOMINI
CHRISTIANI
GULDENLOVII,

Virtutumq; Ejus immortalium planè ignarus, (is verò rerum esset publicarum omnium ignarissimus) nuperum de insperato Ejus obitu nuntium inter tristissimos numerare dubitabit; aut fatalem illum diem, qui Clarissimum hoc DANIEL Lumen exstinxit, eâ luctûs & mœstitiæ caligine mirabitur involutum, quam sola Virtutis & Gloriæ Ipsius nunquam obscurandæ discutiat serenitas. Unde nec tam verendum erit, ne in prædicanda Tanti HEROIS vita, & morte simul deploranda modum fortè excedat oratio, & (quod ab ingenio dicentis officiôq; magis adhuc, quàm ab ipso *Revera* situ & nomine abhorret,) *Placentia* propior quàm *Verona* accedat; quàm ne venerationem summæ Virtutis ac desiderium, quò nihil animo meo fidelius impressum sentio, parum feliciter aliis expressisse videatur. Si quem enim unquam Heroa in medio ætatis, fortunæ, virtutis ac gloriæ flore rebus humanis ereptum antiqua Majorum

rum pietas doluit ; nostrum certè **GULDENLO-
VIUM** iustissimîs his dolorum titulîs tantò quidem
acerbius & præsens lugebit ætas, & secuturæ deplo-
randum posteritati commendabit, quantò Hic multîs
aliis felicius florentem ætatem florentiori fortunâ,
florentissimâ utramq; gloriâ, & hanc verò, & illam,
& istam marcescere nesciâ Virtute superavit. Et si
non immeritò vehementiori à nobis dolore divelli
existimantur, quibus singulari Providentiæ benefi-
ciò incomparabilibûs meritorum officiis omnes ho-
minum ordines complecti licuit ; cuius tandem fati
acerbitas vel plurimum animos, vel altiori vulnere
afflixerit, quàm communis illa erepti nobis **GUL-
DENLOVII** jactura, in quo non privata solùm
Domus, sed ipsa Respublica & ornamentum digni-
tatis suæ, & præsidium stabilitatis perdidit : in quo
cultorem **AUGUSTUS** noster fidelissimum & ve-
ras animi Regii delicias ; in quo Decus Aula Regia
splendidissimum ; Patronum duo Regna providen-
tissimum ; consiliorum ac laborum socium tot Prin-
cipes Comitesq; Copiis Imperatoriis præfecti ; Du-
cem deniq; Exercitus noster fortissimum ac pruden-
tissimum, nisi Patrem potius benignissimum dixeris,
cum dolore se, gemitu ac lacrymis amisisse pro-
fitentur ? Adeoq; sive ad defunctum **HEROA** co-
gitationes dirigimus, sive ad superstites revocare
malumus, iustiorẽ utrinq; quàm vellemus, luctûs
& desiderii causam deprehendimus. Et quibûs tan-
dem lacrymîs dignè satis & copiosè fatum illud
luctuosum deplorandum nobis arbitraremur, quò
tot in Uno **HEROE** Naturæ, Fortunæ & Gratiæ
dona occidisse videmus, nisi incomparabilibûs illa
cœlestis Gloriæ ornamentis, ipsiqve nulli mutationi
obnoxiiis

obnoxiiis feliciter permutata, feliciùs illustrata, & felicissimè tandem consummata consideremus? Ut igitur paucis tristi huic pietatis officio satis facere conemur, & de Optimo nostro **GULDENLOVIO** dicere incipiamus, ad qvem ulteriùs dicere non licet: Lucem Ipse primam vidit, & novam Septentrioni, in primis autem natali Havniæ, videndam præbuit Annò ab orbe redempto MDCLXXIV. V. Calend. Febr. à qvo si ad præsentem numeremus, tam breve Ipfi vivendi curriculum circumscripsisse naturam animadvertimus, ut solam in Eo ætatis immaturitatem affectâsse videatur, in qvo nihil præterea Gratiâ & fortunâ immaturi reliquisse sentiebat. Et cùm vitæ hominis omnia vitæ humanæ decora innitantur, non injustè miremur, tam exile & fragile fundamentum solidissimæ huic & magnificæ Virtutum moli suffecisse: nisi structuram ejus arte quadam Providentiæ singulari coaluisse credamus, ut jam longam non magnopere desideraverit vitam, cui multa contigit; nec annorum numerò cum senioribus contendere laborârit, qvi pondere meritorû prævaluit Opimis; nec ad seram deniq; & langventem ætatem senectutem suam differri exoptaverit, quam prima jam & florenti juventute rarissimò virtutis artificiò vitæq; compendiò prælibavit.

Nomina quidem hominum non vera semper sunt omina, nec minùs justè subinde dolendum, nos veras vocabulorum res, quàm vera rerum amisisse vocabula. Noster autem **HEROS** ut sanctiorî, quàm **CHRISTIANI** Nomine ornari ipse non potuisset; ita nec sanctiùs Eo quisquam Augustum ac venerabile illud nomen ornavit. Nec nomine minùs, quàm Ipso, cui impositum erat, dignum agnoscimus Illustris-

strisimum **GULDENLOVII** sive **AUREI LEONIS** cognomentum. Ut enim inter metalla nihil *Aurò* præstantius, nihil inter animalia *Leone* generosius finxit natura : ità in exaggeranda **HEROIS** nostri excellentia Virtus & Fortuna contendisse mutuò videntur, & quid efficere possint, pro viribus expertæ. In primis verò puritatem *Auri* & soliditatem Sinceritate Hujus & Constantiâ expressam, & rursus, quicquid vel in robore *Leonis* verendum nobis, vel in erectiori ejus indole pœne reverendum videtur, in Fortitudine **GULDENLOVII** & singulari animi Magnitudine supra fidem & admirationem eminuisse novimus. Quoscunque autem illustrium ejusmodi virtutum igniculos vel præclara naturæ utcunq; corruptæ indoles, vel sanctior regenerantis Gratia vis animæ huic nobilissimæ inspiraverat, generosa & laudabilis disciplina omni quidem conatu, sed nullò tamen negotiò excitavit. Divini in primis cognitioni **NUMINIS** & submissæ reverentiæ, quâ nulla major Virtus, nulla magnis animis dignior, à teneris ungviculis **LEO** noster **AUREUS** sanctissimè devotus: ne, quod in multis dolemus, securiùs neglecta pueritiæ & adolescentiæ disciplina effrænem juventuti & maturiori ætati animum traderet; sed ità se **AUREUM** meminisset **LEO** noster, ut **CHRISTIANUM** esse non oblivisceretur. Cæterùm his Divinorum studiorum fundamentis ea quoq; humaniorum accesserunt ornamenta, ut in omnibus artibus liberalibus, quæ commune quoddam vinculum habent, & quasi cognatione quadam inter se continentur, non pœnitendos provectiori ætati fecerit profectus. Quò magis in pudorem conjecit subrusticum quorundam
Nobi-

Nobilium factum, qui ab humaniori literatura nescio quam ignobilitatem vereri videntur, quæ tamen haud paucis ignobili locò natis nobilitatem peperit cum connata delicatulorum istorum haudquaquam permutandam. Et si quid in ipsis esset generosi, antiquâ suâ nobilitate novam studiis immeritò contemptis celebritatem conciliarent potius, & obscuritatem eorum imaginariam suò illustrare splendore niterentur, quàm hujus sibi deliquium inde vel obscuritatem metuerent. Nihil verò minùs ferendū videtur in his minorum gentium Dominis, quàm quòd barbariem quamvis illius lingvæ Majestati præferant, quâ maximarum gentium Dominam R. O. MAM orbi terrarum tam diu ac feliciter imperâsse, fortè non ignorant. Noster vero **GULDENLOVIUS** ità hanc ab ineunte coluit pueritia, ut licèt plerasq; deinde cultioris Europæ lingvas vernaculas sibi magis quàm familiares reddiderit; hanc tamen Orbis olim dominantis, nunc eruditi linguam cætarum commerciò non exolescere in se, sed illustriùs nobilitari voluerit. Quamvis autem sedulâ animi curâ nihil prius **GULDENLOVIO** vel antiquius fuerit: nec in illis tamen etiam liberalibus exercitiis Nobilissima Ipsius institutio defecit, quæ & majorem corpori vim, & elegantiorē conciliare creduntur habitum. Sive quòd ætas ejus & fortuna ità postularent; sive quòd dignissimum tam illustri animâ hospitium videretur, quod firmissimum æquè ac jucundissimum: sive deniq; quòd magnam corporis quoq; Ejus rationem habuisset natura, cujus tantâ faciem dignitate exornaverat, ut in sui non amorem tantum, sed & reverentiam intuentium animos faciliè converteret. Quod ne quis ineptè forsan
inter

inter HEROIS decora relatum à me existimet, vel ideo silentiò transmitti non debuit, quòd singulari corporis venustate nec in effœminatam animi molitiem dissolvi se, nec à mascula fortitudine abstrahi unquam passus fuerit; sed Davidem nobis HERO-UM longè Sanctissimum repræsenterit, cujus Virtutem non sine laudatæ pulcritudinis præfatione idem & dotium ejus & historiæ Divinus Auctor prædicare dignatus. Adde tam mirabile ac perpetuum ex vultu Ejus omniq; vita svavitatis ac gravitatis enituisse temperamentum, ut nec illa molle quicquam, neq; hæc asperum proderet: sed eòdem naturæ artificiò à contemptu Severitas Humanitatem, & à metu Severitatem vindicaret Humanitas. Jam quid in omni conversatione deceret, illustri in primis, vel superiorum, qui paucissimi; vel æqualium, qui pauci; vel pœne æqualium, qui non multi; vel inferiorum, qui longè plurimi, tam accuratò simul & promptò observabat judiciò, ut naturam Sibi omnium consuetudini parem obtigisse ostenderet. Et loquimur de **GULDENLOVIO** adhuc Adolescente, si tamen adolescentiam tam adultæ Virtutis indoli tribuere licet, quæ Virilem potius in tenello corpore animum admirari jubet. Quid verò non in cursu maturioris ætatis & præcurrentibus eam perpetuò Virtutibus HEROICIS prædicandum nobis restat?

Satis amplum unus alteri theatrum sumus, inquit alicubi Philosophus Romanus; Amplissimum verò Sibi erat HEROS noster, in quo tam svaviter Musæ omnes & Gratiæ colludebant. Sed longâ tamen experienciâ confirmatum est, quantò felicius per-
B sonam

sonam sibi impositam, Illustrem in primis & Magnificam, suo tempore sustineant, quibus curiosæ peregrinationis ope publicum Orbis sive Eruditi, sive Imperantis, sive Militantis Theatrum diligentius perlustrare licuit. Itaque noster etiam ACHILLES ULYSSEM agere non dubitavit, sed, peragratīs florentioribūs Europæ partibūs, Germaniā, Belgiō, Galliā, Italiā, id ante omnia operam dedit, ut non tectā solūm, sed Homines; non urbes tantummodo, sed Civitates; non auditoria duntaxat, sed Doctores; non regiones modō, sed Regna & Respublicas; non palatia tantūm, sed REGES Principesq; , horumq; mores, consilia, imperia, quantum fieri poterat, curiosissimē inspiceret; & quos ex monumentis Historiarum Historicorum Romanorum Princeps petere jubet fructūs? *(omnis exempli documenta in Illustri posita monumento intueri; inde tibi Tuāq; Reip. quod imitēre, capere, inde fēdum inceptu, fēdum exitu, quod vites.)* ē Nobilissima Sua peregrinatione tantō caperet uberiores, quāto fortius exemplis mortuīs viva movent, plus oculus testis auritis, plus deniq; experientia, quā lectio & valere judicatur, & valet. Et primas quidem in Belgio A. MDCLXXXIII. susceptæ peregrinationis delibavit delicias, unde seqvente annō Havniā reversus A. MDCLXXXVIII. *Augustam Laurinorum* se contulit, cujus in illustri Academia octodecim mensium spatiō in omni Exercitiorum Equestrium genere felicissimos fecit progresūs. Omni interea Virtute & Scientiā HEROIS sibi commissi animum exaggeravit Illustris DN. WALTHERUS Ductor amplissimā meritorum famā per omnes Europæ regiones dudum inclutus, nunc Serenissimæ Danorum REGI-
NÆ

NÆ à summis Aulæ Magisteriis, qvi cum continu-
am peregrinationem & vitæ ferè spatiis exæqvatom
tam sapienter instituisset, ut habitantem ubiq; no-
minis sui gloriam reliquerit, post multos alios Prin-
cipes ac HEROAS, **GULDENLOVIUM** quo-
qve nostrum felicissimâs auspiciis per hortum Eu-
ropæ florentissimum duxit, & D. 16. Julii A. MDCXC.
non sine fructu itineris uberrimo Havniam reduxit;
Unde vigesimo sextô ejusdem mensis die cum B.
Pro-Rege **GULDENLOVIO** immortalis me-
moriæ in Norvegiam, & hinc brevè iterum ad Re-
giam Daniæ Metropolin profectus est. A. MDCXCI.
Havniâ per *Germaniam & Helvetiam in Galliam* venit, ubi
castra secutus Christianissimi REGIS expeditioni
Leuzensi interfuit, & vertente annô Havniam re-
versus est. Durante autem, qvôd prædicavimus,
itinerum curriculô, licet artibus Belli & Pacis tanto
HEROE dignissimis animum præcipuè intende-
ret, nec Artis tamen illas aut Naturæ delicias, quæ
curiosos oculos non immeritô morantur, peregri-
nantis industria præterit; Sed ubiq; terrarum visu
digniora contemplatus est, dignissimus qvi & Ipse
videretur, & longè præstantiora, quàm ostendi
poterant, aliis prior ostenderet. Hinc in ore omni-
um & celebritate versatus **GULDENLOVIUS**
maximo apud eos in honore fuit, quibus maximum
universus orbis honorem defert; nec ampliores
usquam Sui invenit admiratores, quàm in accuratis-
simis Ingeniorum ac Virtutum illustrium Censoribus.
Quos inter omnium instar unum nominare suscep-
rit Potentissimum Galliarum **KEGEM**, cujus in
laudibus hanc etiam hostes ipsi non inviti ponunt,
qvôd

quòd justus semper excellentium meritorum fuerit
æstimator. Huic igitur verè fuit in deliciis noster
GULDENLOVIUS, & cùm venerabilior
REGI Maximo judicaretur, quæ ex stirpe tam emi-
nenti effloruerat Virtus, nihil eorum, quæ Principi
tribui solent, Illustrissimo huic Hospiti in Regno
suo deesse passus est. Sed ad novam HEROIS pere-
grinationem & scopum hujus domesticum nostra
ut revertatur oratio; A. MDCXCII. denuo in
Galliam profectus, obsidione *Namurensi*, & congressu
Steenkerkens suâ quoque præsentia & virtute nobilitatis,
in *Cataloniam* se convertit, Cohortem *Regia Danica* co-
gnomentò insignitam, annuente REGE Christianis-
simò, imperii jure suscepturus.

A. MDCXCIII. ab Augustissimo REGE no-
stro CHRISTIANO V. Gloriosæ memoriæ inter
Elephantinos Equites clementissimè receptus Insi-
gniâ hujus Ordinis ab ipsa nunc imperantis AUGUSTI
FRIDERICI IV, tunc Principis Hæreditarii, manu
Lutetia Parisiorum auspiciatissimè accepit: eòdem gratiæ
& honoris vinculo Patri & Filio Augustis æternum
devinctus. Excitator tantò factus gloriæ stimulo
Eques noster Illustrissimus, continuatâ cum Cohor-
te Sua expeditione bellicâ, *Landense* prælium, & obsi-
diones urbium *Huy* & *Charles Roy* Suæ quoque fortitudi-
nis & experientiæ testes reliquit. Nec segniùs Annò
sequente MDCXCIV. in Flandria & Brabantia mo-
vit lacertos, donec expeditione *Tongrensi* aliisque sociâ
cohorte feliciter absolutis, istis quidem signis magnâ
apud omnes gloriâ vale diceret, & peragratò Bel-
giò, Havniâ denuo reverteretur. Nemo est, qui
non, me tacente, facilè conjecturâ assequatur, quântò
non

non tantum REGIS gaudiò, sed Regni totius applausu in patriam toties fuerit receptus, qui primò splendidissimas tot exterarum gentium opes ac delicias, nec violatà earum amicitia, nec spoliatis thesauris, domum secum reportavit, cum non aliis armis, quàm amore sui ac veneratione victas reliquerit: sed præterea etiam tot eximia Bellicæ Fortitudinis specimina in laudatis expeditionibus dederat, ut nihil non ab Illius Virtute sibi polliceretur Patria, quem post DEUM & REGEM velut Aram salutis & securitatis publicæ suspiciebat. Succedentes anni supra MDC. *nonagesimus quintus, sextus & septimus* iteratis in Norvegiam itineribus consumpti sunt, novisq; simul B. HEROIS dignitatibus nobilitati. *Primò* enim ab Augustissimo REGE CHRISTIANO V. Summi Castrorum Præfecti Vicarius; *alterò* Supremus Equitum Peditumq; sed & Cubiculi Regii Præfectus constitutus; *tertiò* Summi Imperatoris Bellici locum Clementissimè tenere iussus Virtute & Gloriâ indies cumulator A.MDCXCVIII. Havniam repetiit.

Sequitur hunc annum luctuosus Optimi REGIS CHRISTIANI V. excessus, qui fatali non **GULDENLOVIANAM** modò familiam, sed universum quoq; Septentrionem caligine involvisset, nisi vix ortam opportunò utriusq; solatiò optatissimus novi Syderis Regii FRIDERICI IV exortus hæreditariâ Majestatis & Gratiæ serenitate statim illustrasset: ut nec REGES in Dania, nec & **GULDENLOVII** Protectores mori posse constaret. Confirmavit ergo AUGUSTUS DIVI CHRISTIANI FILIUS veterem HEROIS nostri dignitatem omnem novò (quod omnibus novæ fortunæ

næ ornamentis anteponendum noverat) Clementiæ
 Regiæ affectu. Et primò quidem, cùm res ad bel-
 lum spectare videretur, **GULDENLOVIUM**
 Suum cum Illustrissimo Comite WEDELIO in Nor-
 vegiam misit, ad motûs vicinorum cautè observan-
 dos, & sicubi postularet necessitas, fortiter reprimen-
 dos. Id quod eâ non fide tantùm & industriâ,
 Sed Prudentiâ simul & Moderatione animi præstitit,
 quam rei ignaris non facile esset credere, gnaris au-
 tem admirari facilius fuerit, quàm vel aliis imitatio-
 ne, vel nobis prædicatione dignè satis exprimere.
 Rebûs in Septentrione compositis, è Norvegia in
 Daniam clementissimè revocatus GULDENLO-
 VIUS dum novum exercendæ Virtuti theatrum
 circumspicit, amplissimum Ipsi aperit gravissima de
 Monarchiæ *Hispanica* hæreditate controversia Impe-
 ratorem inter & Galliarum Regem in Italia etiam
 decidenda. Quò cùm AUGUSTUS noster LEO-
 POLDO Cæsari sexies mille militum subsidia mittere
 constituisset, magna GULDENLOVIO consumman-
 dæ Nominis gloriæ, famæq; posteritati æternùm com-
 mendandæ spes affulgere videbatur. Et reverà et-
 iam hîc rarissimæ Ejus Virtuti inusitata prorsus ma-
 teria contigit. Sive enim magnum illud Pomum E-
 ridos adspiceret, *Hispania* erat cum appendicibus tanti
 Imperii; Magnificum Europæ caput, pro cujus ge-
 nuino erigendo & coronando Capite multorum
 fatiganda videbat, plurium cruentanda capita. Con-
 troversia, quam diximus, fundamentum salutis &
 tranquillitatis publicæ spectans non nisi ferrò *ratione*
Regum ultimâ decidi volebat. Testamentum unius
 morte confirmatum multorum internecone abo-
 lendum

endum erat. Et uter Competitorum justiori sanguinis titulô tantum ambiret patrimonium, tot milium sanguine ultro citroq; hauriendô definiendum. Tristissima quidem illa & per se inimica humanitati conditio, sed asperum hoc remedium immedicabili Europæ vulnere prorsus erat necessarium. Si signa, sub quibus militandum, intueretur, LEOPOLDI erant, Augustissimi orbis Christiani Principis, quæ cum tot Serenissimi PRINCIPES ac HEROES certatim sequi gloriosum ducerent, quid tandem illâ Statione vel Dignitati **GULDENLOVIANÆ** vel Virtuti votô fingi poterat convenientius? Sed nec parum ex ipso Hoste decoris expectari poterat, qui famâ rerum gestarum Æmulorum omnium æquabat, Antecessorum verò planè superabat gloriam. Quid? quòd memorabile in primis & ominis instar accipiendum videbatur, quòd belli contra *Gallos* gerendi inter ipsos Gallos antè rudimenta cepisset, & sub auspiciis famosi istius Ducis & Fulminis belli *Luxemburgi* feliciter didicisset, quâ potissimum viâ successoribus Ejus **VILLE ROY** & **VENDÔME** fortiter & prudenter obviam iret. Sive deniq; sedem bello destinatam cogitaret, *Italia* erat, in quam arma Gothorum nostratium ante tot secula peregrinata, nondum obliti sunt Itali. Hanc ergo noster **GULDENLOVIUS** non ut antè Spectator curiosus, sed jam armatus Imperator revisere gestiebat; adeò non antiquam Gothorum fortitudinem in exilium à nobis ejectam testaturus, ut antiquissimâ potiùs ipsorum Romanorum roborata virtute in theatrum belli publicum animosius denuo procedere auderet. Cum summo igitur imperio

Copiis

Copiis Daniæ subsidiariis, novum in Saxonia Ducem tunc temporis expectantibus à Clementissimo REGE præesse iussus suscepit A. MDCCI. mense Augustò amplissimam, quâ dignus erat, Provinciam: & primus cum Exercitu Danico liberum non JURIS tantum nostri Militaris, sed & Evangelicæ Fidei Augustanâ Confessione repræsentatæ exercitium novò exemplò in Italiam secum intulit. Placuit Illustrissimo Domino, cui in Norvegia fortè innotueram, curam animæ suæ, quâ nihil habebat pretiosius, mihi immerentia credere, & ab Augustissimo Daniæ Monarcha faciliè impetravit, ut eidem mihi horum omnium inscio, nedum cupido, Consistorii etiam, sive Conventûs Ecclesiastici Castrensis Inspectionem Clementissimè committeret. Ità Providentiâ Supremi Numinis, Decretò Regis Serenissimi, votò & commendatione Optimi GULDENLOVII ex Septentrione Austrum versùs, è Norvegia in Italiam profectus sum. Ubi licet animum turbis bellicis non asævetum & imponendi oneris gravissimi æqvè ac sanctissimi non immemorem terrere potuissent haud pauca: erexit tamen trepidantem post Clementissimum Cœlestis Providentiæ nutum spectatissima DUCIS Optimi Pietas; cujus exemplum laudabile ad bonarum mentium confirmationem, malarumq; emendationem mutuas cum fideli exhortatione mea operas traditurum non vanè confidebam. Et jam eò provecti sumus A. H. ubi non tamè ampliùs testimonio, sed communi nostræ experientiæ de Virtutibus HEROIS nostri certissimè omnium pronuntianti fidem habere licet & falli & fallere prorsus nesciam.

Juvat

Juvat meminisse, si absq; nimiô dolore licuerit, festivi illius Diei, qvô in Palatio prope oppidum GOVERNOLO primam Duci nostro in Sacra Concione Orationem habui; & cùm opportunè satis ita ferret temporis ratio, laudatum in Evangelio Centurionis Capernaitici exemplum non militi tantùm pio, & Præfecto militari, sed Imperatori etiam Christiano intuendum simul & imitandum proposui. Neq; enim Centurionem hunc Cæsareum vel Summo Copiarum Duci militiæ Christianæ Ducem commendare verebar, de qvo Ipsum Exercituum DOMINUM non sine admiratione singulari testantem audiveram: *quod parem in Israël fidem non invenisset.* Qvod si vel majorem in nostro **GULDENLOVIO**; qvàm in laudato Centurione invenit; si destinatum Sibi viæ Ductorem longò Ille post se intervallò reliquit, non minùs arduam Ei, si coævus fuisset, Virtutis æmulationem facturus, qvàm dignitatis & ordinis: me quidem adeò non pœnitebit consilii, vel pudebit comparationis, ut lætandi potiùs & gloriandi occasionem Ei me debere profiterer, qvi plura monitûs & exspectatione majora præstitisset. Sed quid verbis meis eget sanctissima HEROIS nostri Fides, qvæ suorum ipsa Operum testimoniûs & certius multò & gloriosius inclaruit? Pauca de multis afferam, & ne pauca quidem illa multis persequar.

Qvem inter Virtutes locum jure sibi vendicat Religiosa erga DEUM Pietas, in animo quoque **GULDENLOVII** principem tenuit; nec in hoc etiam Panegyricò inferiorem patitur. Quantum enim in D. HEROE Verbi Divini studium, quantum uberius ex eo proficiendi ardorem,

D

rem,

rem perpetuò sumus mirati ? quantam in solenni Oraculorum Cœlestium explicatione, non patientiam dico, (neq; enim inter cruces Verbum de Cruce numerabat) sed attentionem animi, sed intensiorem, sed contentiorem ostendit ! Expendebat quæ proponebantur omnia, non ad horologium dimetiatur; non horæ momenta computabat, sed rerum ponderabat. Ecquis dormitantem unquam, aut oscitantem vidit? quis verò etiam cum assidentibus confabulantem vel ineptientem observare se meminit? quis verò non pari dicentem auscultandi fervore à capite ad calcem profecutum semper, vel antegressum potius fuisse testari potest? Tantum ab istorum tempore aberat, qui more veriùs quàm amore sanctissimis his Religionis exercitiis vacant, & quasi rem alienam & vel dignitate suâ, vel vitæ conditione indignam agerent, tumultuarios animi motûs haud inviti produnt, & è sacris cœtibus mentem non minùs, quàm intulêre, profanam secum referunt. Neq; tamen istis temporis ac loci Deo singulariter dicati angustius pietatem suam circumscribi passus est sanctissimus HEROIS nostri animus, ut quotidianas potius magnæ Provinciæ functiones nullâ re lubentius, quàm sedulâ rerum sacrarum inquisitione, & sermonum, qui de Religione incidebant, auscultatione studiosissimâ & communicatione distingveret. Noverat enim nullam in mundo Sapientiam illi similem reperiri, quæ de Deo ac rebus Divinis mentem hominis erudiret; nullam, quæ capacissimam immortalis animi facultatem vel uberiùs exfatiaret, vel svaviùs. Sed nec eam tamen ingenio suo utcunq; felicissimo, libertatem indulgebat, ut rimari justò sollicitius

folicitiùs auderet, quæ sanctè ac submisè miranda didicerat; aut humanâ ratione ea complecti conaretur, quæ Divinâ fide nobis amplectenda Spiritus Sanctus tradidit. Testor vocem HEROIS Sapientissimam, quâ audaces Mysteriorum Divinorum Speculatores Frequentiùs arguebat: *Suam quidem simplicitatem rerum tam sublimium investigationi handquaquam sufficere.* Nec erravit sanè, dum graviùs eos errare credidit, qui imperium ibi Rationi deferrent, ubi nihil ipsi Fidei præter obsequii gloriam relictum viderent. Quid ordinarias privatarum precum horas memorem, quarum nemo sacris operantium esse potuit observantior? Ità solenne Ipsi erat, antequam salutantium se turbæ immisceret, religiosam cum Deo solitudinem quærere: nec feliciùs vota supplicantium se credebat excepturum, quàm si demissâ priùs pietate Divinam esset veneratus Majestatem. Lectio Sacro-sancti Codicis non religiosa minùs Ipsi erat, quàm quotidiana; nec contentus fugitivò, quod sæpe contingit, oculò perlustrâsse Sacram Paginam, quæ notatu digniora occurrebant, studiosâ manu illustrare quoque solebat. Quò nomine memorabilis est illa Psaltis Divini sententia Ps CIII. 15. 16. *Hominis dies sunt, quasi graminis: nec aliter, quàm flos agri floret. Quem simul ac transit Ventus, secum auferit, ut in loco, quem ornavit, nulla sui vestigiare relinquat.* Quam argumentum destinatæ Sibi Orationis Funebriis præbituram cum adscriptò nomine **CHRISTIANI GULDENLOVII** (nec Aureum magis Asteriscum requirebat) à B. HEROE insignitam aliquando observarem, equidem piam hanc mortalitatis memoriam in illa ætate & fortuna satis admirari non poteram: sed meæ tamen
etiam

etiam pietatis esse credebam , feram Ipsi severæ hujus Veritatis experientiam precari , quam nunc citò nimis incidisse , non serió minùs quàm serò dolemus omnes. Et quibùs tandem laudibùs maximè secretam Ejus in Sacra Confessione atqve Communione Pietatem ornaverim , quam Modestia Iplius semper maxima , nunquam verò major sigillò quasi Confessionis munitam sanctò potiùs venerari jubet silentiò ? Illud interim taceri neqvit , tam strictam religiosæ mentis Pietatem nullò unquam Superstitionis , licèt undiqve circumfusæ & oculis quotidie oberrantis confiniò læsam fuisse. Nunquam enim in Theatro disidentis à nobis Ecclesiæ vel collusorem egit , vel spectatorem : nunquam splendida peregrinorum rituum facies , quam Foro potiùs quàm Choro , & profanæ Scenæ magis , quàm Sacræ Cœnæ convenire judicabat , vel animum Ejus , vel Corpus inclinavit. Quippe larvam simulationis personā , quam gerebat , indignissimam latus non minùs HEROICÆ in Fide Evangelica Constantiæ , quàm incorruptæ pro suscepta causa Fidelitatis exemplum imitandum omnibus exhibuit. Salutari ergo Verbi Divini doctrinā contra geminam Religionis Christianæ pestem , *Superstitionem & Impietatem* , tam feliciter animum præservaverat , ut neutrius contagionem Sibi passus fuerit inspirari. Utq; de rebus Divinis differentem nec risum prudentibus , nec piis gemitum elicere debere noverat : ità quoties Ipse sermonem eò direxit (quod fecit frequentissimè) tam sanctè & solidè , tam sobriè ac reverenter animi sensa expressit,
ut

ut Religionem ipsam **GULDENLOVII** ore locuturam dixeris. Id sanctè asseveraverim, nihil, quod vel fidei sanctitatem, vel morum offenderet, ex ore Ejus me observâsse. Unde facile erit judicare, quantopere à diris execrationibus abhorruerit, quibûs solis tamen haud pauci **HEROAS** se, vel gigantes potius Cœlestibus bellum illaturos probare satagunt. Hujus autem vitii fugam inter laudes nostri **HEROIS** retulisse, quibus tot illustria Pietatis & Virtutum omnium specimina materiam præbent uberrimam, detrivisse eas foret, non amplificâsse. Sed ad ea veniamus, quæ propius Imperatorem Exercitûs attingunt; ut **HEROEM** nostrum non sanctissimò tantum, quod gessit, Nominè, sed splendidissimò etiam Cognomine fuisse dignissimum; nec Deo tantum, quæ Dei erant, sed Cæsari etiam, quæ Cæsaris, imò quæ omnium, omnibus pro virili tribuisse pateat. Quæ enim in Summo Imperatore utramque faciunt paginam, Scientiam rei militaris & Virtutem bellicam in Hoc nostro quis unquam desideraverit? Ità quippe ab ineunte statim juventute Duci bellis exercitissimo in militiæ disciplinam traditum fuisse audivimus, ut qui cum tanta proficiendi opportunitate tanti simul Ingenii lumen, tanti fervorem Animi, ut reapse erat, cogitatione etiam conjunxerit, nullam rem esse suspicari facile possit, in usu militari positam, quæ hujus nostri Imperatoris Scientiam fugere potuerit. Jam verò parem illi Scientiæ Virtutem, quis est, qui non in **B. HEROE** meritò veneretur? cùm & labor Ejus in negotiò semper

E. indefessus,

indefessus, fortitudo in periculis imperterrita, industria in agendo mirabilis, consilium in providendo sagacissimum, celeritas in conficiendo fuerit incredibilis. Quantâ curâ & vigilantîâ minimos quoque hostium motûs indagare siveverat! quantâ animi, non alacritate dicam, sed exultatione veriùs tentandæ expeditionis nuntium arripiebat? quantô vigore & constantîâ tentabat! Quoties intempestâ nocte sola Providentiæ luce comitatus exploratis hostium excursionibus in agro *Mantuano* obviam procescit! plerumque tamen ipsô adventûs Sui rumore territos in fugam convertit: ut nesciam ferè, an justè semper conquestus fuerit, cominus sibi cum iis dimicare non licuisse, quos eminus etiam vicit, & aciem tantæ Virtutis experiri non ausos levissimô ejusdem fulgore, & quadam quasi umbrâ perculsos in latibula ipsorum repulit. Nihil facîle magnæ rei suscepit Illustre illud belli Fulmen, & Tutelaris Exercitûs Cæsarei Genius EUGENIUS, quod sine **GULDENLOVIO** aggrediretur, quem non amore minùs, quàm fiduciâ Virtutis Ipsius, & consilii participem & discriminis esse voluit. Nec beatior sibi unquam visus est Noster, quàm quoties vel à latere, vel in conspectu Tanti Ducis ac HEROIS versari poterat, cujus ipsô Nominè recreari solebat. Quòd verò in cruentissimo ad LUZARAM prælio importunissimâ malignæ febris invidiâ gloriâ consortii hujus & voluptate frustraretur, quantô tandem dolore ac ægritudine generosam HEROIS nostri mentem afflictam fuisse & vulneratam dixerim? Horret animus illius diei memoriâ, quò, infirmitati prostrati corporis erectô Spiritu

Spiritu frustra reluctante, è castris Veronam se deportari non tam iussit, quàm passus est. Vultum Ejus & animum vidimus, qualem *Camilli* concipimus Clarissimi Gallorum Victoris, cùm ad bellum Samnitibus inferendum missus gravissimò interim morbo reverti ROMAM cogeretur. Suam utiq; fecit mixtam hanc fortitudine & impatientiâ vocem Magni illius *Alexandri*, in pari rerum suarum articulo prehensi: *Si quid opis, siquid artis in Medicis est, sciant, me non tam mortis aut morbi, quàm belli remedium quærere.* Nec Oratione Vobis A. H. si rei ignaris loquerer, faciliè exprimerem, quâ solitudinis & gaudii contentione ea paulò post vel lectu, vel auditu percepit, quæ videre Ipse & gerere maluisset. Neq; sanè quicquam ad gerendum Virtutis Animus Ei denegaverat, modò satis ad videndum roboris valetudo indulisset. Quò æqvior enim Tibi fuisses **OPTIME GULDENLOVI**, qui nemini unquam fuisti iniquus, & neminem TIBI iniquum habere meruisti; non levius TIBI cum importuno morbo, quàm copiis Tuis cum hoste fuit certamen. Nec tam de dolore corporis & molestia loquor, quàm de orta hinc inevitabili absentiae Tuæ necessitate, quæ præsentissimâ animum Tuum ægritudine afflixit. Hunc TU hostem intestinum majori sanè & difficultate & Virtute, quàm Gallos omnes prostravisses, devicisti. Quid? quòd absenti TIBI jure optimò à nobis ea vindicantur omnia, quæ per Tuos præsentem cum virtute & gloria gesta sunt. Nihil enim hi masculè & laudabiliter egerunt, quod non secundum DEUM & Divinum EUGENIUM, disciplinæ Tuæ auctoritati,

tati , spectatæ Virtutis exemplo , tot Humanitatis & Gratia Tuæ documentis , quid multa? quod non ipsi faciei Tuæ ad fidem & fortitudinem invitantis (ne absentia etiam , ne morbi , ne impatientia non tam huius , quam illius , dicam) recordationi præcipuè tribuendum fateantur. Licet igitur partem TIBI speratæ voluptatis dura absentia lex inviderit , nullam tamen gloriae particulam eripere potuit. TUA præsens absentia absentem quorundam præsentiam arguit. Tu absens hostium cohortes per alios quidem , sed Sapientiâ Tuâ formatos , sed Virtute excitatos , sed amoris Tui fiduciâ ad æternam fortitudinis & obsequii fidem devinctos , repulisti , fugasti , prostravisti: præsens verò Te ipsum , quod omnibus Victoriis ac triumphis anteponendum , tardiùs paulò , sed multò gloriosius superasti. Quod si quis A.H. in bellicis HEROIS nostri laudibus depingendis hebetiorem me fortè deprehendat , mitigabit censuram huius infacundia , si *arma militia mea* in ipsa hac militia *non carnalia esse , sed Spiritualia* meminerit. Unde quando militares persequor Virtutes , *non arma mihi sed tympana eloquentia* , (ut cum Fabio dicam) suppeditari video : & ubi ad *Lauros Palmasq;* perventum est , extra *oleas* quasi vagari orationem sentio. Scilicet indifferente Oratori illud etiam dictu videtur difficile , quod Magnis HEROIBUS factu fuit facillimum. Sed quibus tandem hæc loquor? nonne iis potissimum , qui plura mihi & ampliora de Virtute Immortalis nostri **GULDENLOVII** ipsi commemorare , quam de eadem , me interprete , cognoscere possunt? Loquantur ergo pro me harum rerum non me tantum , sed omnibus aliis & consilii magis & periti.

periti. Loqvantur Serenissimi Principes & Duces copiarum Excellentissimi: Incomparabilis EUGENIUS ante omnes & instar omnium nominandus, (cui utinam Fortissimum & Danici Exercitûs amantissimum COMMERCY etiamnum adjungere liceret. Loqvatur Invictus STARNBERG, Strenuissimus LICHTENSTEIN, Generosissimus VAUDIMONT, Gravisissimus TRAUTMANSDORF. Constantissimus BEARNER, veneranda & nostro ævo & omni posteritati Nomina, amoris verò **GULDENLOVIANI** Nominis & admirationi in primis dedita. Loqvantur tot illustres & Nostri & totius Imperatorii Exercitûs Præfecti, non in communi causa tuenda constantius, quàm in prædicanda **GULDENLOVII** virtute consentientes. Loqvantur milites ad unum omnes, qui vel ipsi imperio GULDENLOVII non sine admiratione Imperantis paruerunt, vel parere socios viderunt. Loqvatur tandem MANTUANUM quàm patet hujus belli Theatrum, quantâ Virtute & gloriâ splendidissimam Imperatoris Danici personam Divus noster HEROS sustinuerit, & si vel Hospitis, vel Hostis tam generosi merita venerari didicit, Actori tam felici feliciter applaudit! Quoniam verò, ut rectè *Tullius* judicat, non sola bellandi Virtus in summo atq; perfecto Imperatore quærenda est, sed multæ etiam artes eximiæ hujus administræ comitesq; Virtutis: Innocentia, Temperantia, Fides, Facilitas, Ingenium, Humanitas. Has & similes, quas vel Ipse in *Pompejo Magno*, vel in majore adhuc *Centurione* sacri Scriptores prædicant, age, F paucis

paucis in Divo nostro **GULDENLOVIO** verbis, prolixâ autem veneratione complectamur. Superiori Potestati se obnoxium cum Præfecto Capernaitico agnovit Noster, CÆSARE Æ & REGIÆ, quam utramq; pari pietatis, fidei & submissionis affectu coluit. Quantâ REGIAM Majestatem reverentiâ suspexerit, licet certiozem incomparabili Ipsius REGIS Gratiâ testem producere non liceat, tamen vel hoc documentô illustrari mereatur, quòd jus vitæ & necis potestati Ipsius militari ab AUGUSTO nostro liberaliter indultum, invitante licet quotidianô Cæsareanorum exemplô, vix unquam tamen, nisi in causa, quæ nec deliberationem postularet ullam, nec moram pateretur, exerceret; sed expectatô prius Supremo REGIÆ voluntatis arbitriô, eò gloriosius, quò submissius tutiusque exsequeretur. IMPERATORI autem, cui à REGE parere jussus erat, etiam per Principes imperanti fidelissimè semper obtemperabat. Nec minori contentione animi, quàm si pro salute ipsius patriæ pugnandum fuisset, causam Ejus gravissimam vel Suæ fidei, vel suorum commendatam esse voluit. Quanta verò è liberali hoc & laudabili obsequio gloria, tanta ex imperio Ejus mitissimo gratia enituit. Quippe non tam Imperatorem se, quàm Patrem commissi gessit exercitûs. Nec Præfectos militiæ tantum, sed ipsos etiam gregarios milites ea comitate compellare & tractare noverat, ut in Duce suo Commilitonem diligerent, qui in Commilitone tamen etiam Ducem venerabantur. Tantum ab eorum abhorrebat ingenio, qui timeri se, quàm amari malunt, nec mitius in gregem hominum sæviunt,

sæviunt , quàm si in belluas ipsis obtigisset imperium. Cum Centurione potius nostro *Hominem* se , & hominibus præpositum recordabatur , unde nihil hîs moribûs magis à se alienum esse volebat , qui ipsi humanitati bellum indixisse videntur. Neque tamen ideo (quod levitatis & focordiæ , non benignitatis & Misericordiæ esse noverat ,) aciem auctoritatis Suæ nimîâ lenitate passus est hebescere. *Vocabat* suos , *veniendum erat: mittebat, eundem: imperabat, parendum.* Et cum gloriam rei militaris ac salutem , nisi disciplinâ Magistrâ , non diu stare posse perspectum haberet , id omni Sibi curâ providendum existimabat , nequa latrocinii infamia apud eos resideret , qui imperii Ipsius Justissimi gloriâ orbi inclaruerant. Et si quid fortè (quid enim est , quod non militiæ libertate effrenatâ quorundam malitia velare aufit ?) Ipsô vel absente , vel insciô gestum erat iniquius , tam faciles ad Eum privatorum aditûs , tam liberæ querimonîæ de aliorum erant injuriis , ut nec pœnâ oppressorem , nec solatiô oppressum & auxiliô carere unquam pateretur. Sed quoniam in Justitiæ laudem incidimus , ad laudem quoque Justissimi Imperatoris nostri in primis referendum , quòd Sangvinis humani parcissimus ad capitalia reorum supplicia decernenda perinvitus progrediretur , retractare semper paratus tristem damnationis sententiam , si salvâ id conscientia Judicis fieri posse Sacer Confessus noster ex Verbo Dei & causæ circumstantiis concludere sustineret. Ità semper quidem intrepidâ Fortitudine & generosâ Magnitudine animi , asperitate autem & vindictæ cupidine nunquam se *Leonem* præbuit. A Superbia verò , licet pertinaci

pertinaci aliàs tantæ Dignitatis ac fortunæ comite , ità mens HEROIS nostri & vita omnis dissentiebat, ut cui Magnanimitas suæ semper Originis memor contigerat, Modestiâ tamen & Comitæ ejusdem, si ità liceret dicere, propemodum oblitâ temperata videretur. Qvòd si verò nec Iracundiæ unqvam nec Insolentiæ reus fuit ; qvæ vel minima Avaritiæ suspicio Illum violare potuit , qvem Liberalitatis & Magnificentiæ gloriâ , qvanta vel in Principem cadere potuisset , maximâ perpetuò floruisse novimus ? Qvot Ille asseclis carere potuit , si Benignitatis propemodum nimiae exercitiò vacare didicisset ? Qvàm lautam non Suis tantum , sed advenis etiam sterni jussit mensam , cujus Ipse delicias (ne Sobrietatem Ejus & Frugalitatem nimis proh pudor ! inter eminentioris etiam fortunæ homines raram illaudatam relinqvamus) parcissimè tantum , qvantum sanitati animæ & corporis conducebat , delibare siveverat. Scilicet nec Naturæ Suæ bonitati , nec Personæ dignitati minorem convenire apparatus arbitrabatur ; cæteroqvi vanitatum hujusmodi omnium contemptor generosissimus. Sed nec iis tantum rebûs , qvæ splendorem foràs projiciunt , & admirationem publicam provocant, Magnificentiam Suam declaravit : sed in egenos etiam & afflictos qvotidiana ejus , nec qvotidiana tamen exsistere voluit documenta. Et arcanò Christianæ Humilitatis artificiò , dum hominibus splendorem Suæ Liberalitatis obscurum esse voluit ; in oculis Dei , qvibus nihil obscurum , tantò reddidit illustriorem. Ità qvòd de se qvondam Alexander Macedo professus dicitur : *Se in Asiam venisse , non ut ab aliis acciperet , sed*

ut aliis daret , id veriùs de expeditione Sua Italica no-
 ster **GULDENLOVIUS** prædicare potuit ,
 non aliò nomine **LEONIS AUREI** cognomentò
 dignior , quàm quòd ad *Aurum* generosè contem-
 nendum quasi natus videretur ; saltem *ferrum* longè
 quàm *Aurum* familiariùs tractaret. Nec amplò divi-
 tiarum votò *M. Crasum* imitari sustinuiſſet , nisi fortè
 ut vanam ejus jactantiam verà superaturus be-
 neficentià pecuniæ suæ fructibus inopem aleret *Exercitum*.
 Et quomodo Suorum ulli , vel sociorum hanc
 tantam claudi passus esset Benignitatem , quam
 ipsis etiam hostibus patere voluit ? Quod suò in
 primis commodò captivi Gallorum Præfecti sæpius
 didicerunt , qui non Hostem severum , sed Hospi-
 tem experti humanissimum , **GULDENLOVII**
 captivi esse malebant , quàm **GULDENLOVIA-**
NOS in captivitate tenere : ità non statum , sed
 locum tantum mutasse sibi videbantur , eò ipsò ,
 quòd Clementiæ tam inulitatæ amore se ac admira-
 tione captos sentirent , nullà captivitatis suæ curâ
 vel cogitatione affecti. Et nescio sanè , an majorem
 pugnantibus imperterritâ Fortitudine , an victis cap-
 tisq; singulari Humanitate ac Mansuetudine , invicti
 roboris Sui gloriam testari valuerit ; cùm judice Re-
 gum Sapientissimò , plus in Mansuetudine Fortitu-
 dinis , quàm in ipsa situm sit Fortitudine , & qui
 animo imperat , multarum urbium Expugnatori-
 bus longè antecellat. De omnibus igitur optimè
 meritis **GULDENLOVIUS** nemini omnium
 displicere potuit. Ità charus superioribus , jucun-
 dus æqualibus , venerabilis inferioribus , Suis pre-
 tiosus ,

tiotus, ſuavis hoſpitibus, hoſtibus ipſis admirabilis, univerſis ac ſingulis deſideratiſſimus erat, amor ac deliciæ bonorum omnium. Hæc ego, Fortiſſime nuper HEROUM, nunc Sanctiſſime! pro Magnificis Virtutibus TUIS modeſtè nimis, pro Modeſtia verò, ſi adeſſes, nimis fortè magnificè; nunc quoniam abes, pro officio meo oppidò tenuiter, pro indigentia Tua ſatis abundè. Ecquid enim humanis Virtutum Tuarum præconiis inter Divina earundem præmiâ delectabere? vel in Cœleſtis gloriæ palatio ejusmodi aut verborum aut rerum pompâ delinière, cujus vanitatem in ipſo hoc mundanæ Vanitatis theatro ſæpius à TE exhibilari memini. Dulciùs multò & glorioſiùs, quàm à quopiam mortalium laudari potes, DEUM ipſe cum Angelis laudas, & à DEO Angelisq; laudaris. Ne tamen altò nimis Virtutum Tuarum ac beneficiorum ſilentiò in TE injuriî, in DEUM videremur ingrati, hoc Veritati ſaltem ipſi & Pietati tribuendum erat, ut *ex ungue* TE LEONEM, *ex pondere* JUREUM, vel quod utroq; præſtantius, & reſpectu nomine CHRISTIANUM agnoſceremus; cætero, quod dignò ſatis præconiò non poſſumus, admirabundò ſilentiò veneraturi. Sed ut pauca, quæ reſtant, & triſtiſſima quidem illa dictis adungamus, Divi HEROIS noſtri ex Italia primò, ſubinde ex ipſa vita diſceſſum breviſſimè contemlemur. Sanitati poſt tot recidivæ febris inſultrûs Veronæ vix plenè reſtitutus in caſtra ſe ad deſideratiſſimum Sibi Suique amantiſſimum Principem EUGENIUM ociùs contulit, & paulò poſt, cùm ita poſtulareſ labentis anni tempeſtas, Victoris

Exercitus

Exercitûs Sibi commissi reliquiis de hybernis benignè prospexit. Ipse autem nutui REGIS Clementissimi obsecuturus, nullâ interpositâ morâ, hybernô itinere ex Italia in Daniam profectus est. E re quidem Suorum hunc fore abitum, haud difficulter perſualit omnibus, sed veriti tamen ne, quod res erat, *aureo* hamô piscarentur, miseri sub Ipso vivere, quàm sine Eo felices, malebant, si tamen qui sine hoc Duce vivunt, felices, & qui sub Ipso, miseri censerî merentur. Commendatâ igitur intercessionî Ipsius causâ publicâ, ad ripam Venetias abiturum primô mane comitamur, & preces pro felicitate suscepti itineris suas maturi reditûs votô identidem interrumpimus. Ego inter cæteros, quod submisâ pietate agnosco, prolixâ constantis Gratia Tuæ, HEROS Desideratissime, promissione erectus cum vix tamen siccis oculis PADUM Virtutis & Gloria Tuæ testem nos interfluentem intueri sustinerem, ut omni Ipse, quâ dignus eras, felicitate & gloriâ vivus vegetusque quàm diutissime circumfluere, tacitûs à DEO suspiriis efflagitabam. Sed ô! Ipse fallaces! ô! cogitationes inanes meæ! cum fiducia meliorum temporum per TE nobis conciliandorum dimissus, piô quôdam, si pië tamen hoc dici potest, dolô æternam Tibi felicitatem quæſivisse contentus in veteri nos calamitate reliquisti. Quæ si sublevari non poterat, quidni vel præsentia Tuæ solatiô mitigare illam licuit, vel societatis Tuæ gloriâ felicius declinare? Et quidni me Tibi in primis devinctissimum, quem absens è Norvegia in Italiam pertrahere valuisti, præſens ex Italia in Daniam reducere voluisti?

sti? Quàm lætus REGI Tuus Regnoq; reditus, nobisq; optatus ejusdem nuntius accidit, tam infelix, paucis interjectis mensibûs, (qvos copiae tamen Tuæ rei & spei inopes nimium longos lentosqve traxêre) superiori successit relatio, vel par potiùs relationum sine pari tristissimum. Una decretum REGIS afferens; **GULDENLOVIUM** copias Suas in Italia non revifurum; Altera Cœleste fatum denuntians; ne nostrum quidem ullum in hoc usquam orbe **GULDENLOVIUM** revifurum. Cùm enim REX **AUGUSTISSIMUS** summa quævis Imperatori huic Nobilissimo destinaret, & **CÆSAR** Potentissimus immortalium Ejus in Italica Expeditione meritorum memor, missò Diplomate, Summum in Exercitu suo rei *Tormentaria* Præfectum esse jussisset, REX Ipse **REGUM** Exercituumqve Dominus tam fidelem strenuumq; militem ex vitæ hujus militia dimissum ad æternos vitæ nunquam finiendæ triumphos evocavit. Et inter varios quidem fati ministros, quas minimè credidisses *variolas* potissimum elegit, quibûs **HEROEM** fortissimum tot inter bellorum itinerumq; discrimina servatum in itinere Holsatico cum REGE suscepto Othinæ in Fionia A. MDCCII. ipsi Idibûs Juliis, exactò supra Annos XXIX. V. mensium & XVIII. dierum spatiò, magno omnium dolore prostravit. Ut nimis verè bellissimo huic Bellatori acciderit, quod apud Curtium Legati Scytharum M. Alexandro, licèt aliò sensu, minitari videntur: **LEO** etiam minimarum avium pabulum fuit, & (non *ferrum* dicam, sed) **AURUM** ferrei seculi purissimum rubigo consumit. Nec minùs Daniæ *Idus Julias*, quàm **ROMÆ**
qvon-

qvondam *Idūs Martias* funestas dixerim; Romani enim Idibūs Martiis *Julium* Imperatorem, nos Idibūs Juliis Imperatorem verè *Martium* amisimus. Hic verò compendium mihi sermonis tanti patriæ Theſauri, tanti bonorum omnium Præſidii, tanti generis humani Delicii infelix diſpendium imperat. Et mirum, ſi non vocem dolor intercludat omnem, vel erumpere conantem gemitūs & ſingultūs abrum- pant. Nimis ergo longum Tibi, imò perpetuum vale dixi HEROS Beatiſſime, & qvem brevī me promiſſo Tuò meīſq; fretus precibūs reviſurum confidebam, poſtremum me vidīſſe video. Illud immortalitate dignum Ingenium, illa Humanitas TUA, illa Virtus Excellentiſſima morte exſtin- cta ſubitā eſt! Ubi nunc admirandum illud rariſſima- rum Naturæ & Gratia dotium exemplum? qvod ſi nunqvam ſine amore ac veneratione in TE ſuſpi- cere potuimus, qvomodo ſine luctu unqvam & trititia deſiderabimus? Ubi nunc animi Tui vigor? ubi vultus? hic animi, ut ille Virtutis, imago cla- riſſima! ubi vox Imperatoria, qvæ non minorem ferè, qvàm ſpirabat ipſa, fortitudinem aliis inſpi- rare noverat? Ubi Dextra illa & Fidei & Virtutis & Munificentia certiffimum pignus? Et qvid plura qværimus, vel qverimur? ubi inæſtimabilis noſter GULDENLOVIUS? hunc enim inſtar omni- um deſideramus omnes; ſed eheu! deſideramus: utq; nos amiſſum recuperandi ſpes, ità Daniam recuperatum retinendi fiducia ſefellit miſerrimè. Qvid Vobis respondebo Sereniſſimi Principes cæ- teriq; Duces copiarum Excellentiſſimi Socium & Fratrem repetentibus Veſtrum? qvid vobis, Mili-

H

tia

tiæ Præfecti Ductorem vobis & Patronum ereptum dolentibus? quid vobis Milites fidissimi confusis à me querelâs Imperatorem & Patrem efflagitantibus? quid mihi ipsi A. H. tanti Mæcenatis præsidio, imò testimoniò etiam destituto? quid Tibi Patria dulcissima, tanti Ducis obitum, tantæ Lucis occasum acerbissimè deploranti? quid TIBI denique Illustrissima HEROINA, beatissima nuper HEROIS Tanti Conjux, nunc Vidua Mœstissima, cujus Pietatem cæterasqve Virtutes laude majores non *Dania* tantùm nostra suspicit, sed *Germania* quoq; omnis & *Italia* veneratur, ad mitigandam altissimi vulneris acerbitem vel solatii asferre possum vel consilii? & quid TIBI adhuc animi supereffe credam, quæ *bis* jam animæ Tuæ dimidium amisisti; & in altera alterius Conjugii fœcunditate fœcundissimam TIBI lugendi & lacrymandi relictam vides materiam? Quid reliquum est, nisi ut nos omnes & singulos, qui non unò quidem amoris & doloris titulò, sed eodem tamen affectu florentissimum Hunc HEROEA deploramus, una hæc & solidissima sustentet consolatio, quòd longè plus Uni **GULDEN-LOVIO** præmaturò discessu felicitatis accessisse sciamus, quàm nobis omnibus decedisse sentimus? cùm sanctissimæ in CHRISTUM Salvatorem Fidei ea semper integritate vitæ ac innocentia signa dederit, quæ certissima nobis redundantis ad Ipsum æternæ gloriæ ac lætitiæ sigilla merentur agnosci. Unde licèt tristissimum hoc divortium nullam nobis redintegrandæ in hac vita conjunctionis relinquat spem: eam tamen in altera vita conjunctionem exspectamus, quæ omnem novi divortii formidinem penitus excludat, Fru-

Fruere igitur, ô Decus nostrum ac Præsidium!
 ô Amor omnium ac Deliciæ! illâ Immortalium vitâ,
 quæ sola gloriosa meretur, imò sola vita dici Fru-
 ere jam & æternum perfruere beatissimâ illâ gau-
 diorum Cœlestium affluentia, de qua plura quon-
 dam TUA Pietas audire desideravit, quam mentis &
 lingvæ nostræ memorare valuit infirmitas. Cujus
 delicias jam in hac vita terrenarum inter volupta-
 tum tædia mente Divinitus illuminatâ suaviter præ-
 cepisti, & devotæ DEO voluntatis affectu suavius
 delibasti. Defunctus es, HEKOS Inclyte, non
 humanæ solum, sed Christianæ etiam militiæ diffi-
 cultatibus omnibus atq; Molestiis; & coram soliô
 Ejus Divinô, sub cujus hîc signis non meruisse qui-
 dem TE, sed militasse tamen gloriari potes, ea
 Tibi Divinitus erecta miraris tropæa, quæ lætissi-
 mis intuetur oculis Coelestis Angelorum Exerci-
 tus, & foederatæ Beatarum Mentium Copiæ gra-
 tulabundæ prædicant: nos autem in hac mortali-
 tate nullô cogitandi conatu, nullâ dicendi vi, nullô
 deniq; merendi studiô valemus assequi; sed in
 immensâ DEI Gratia infinitaq; Salvatoris Redem-
 ptione posita Virtutum Tuarum inhærentes vesti-
 giis pari omnes fidei spei & amoris contentione
 anhelamus. Quod superest, TUAM DEUS Immor-
 talis, Optime, Maxime, Gratiam imploramus omnes
 & obtestamur supplices, ut vulnus gravissimum
 tot animis, familiis, ordinibus, regionibus Unius
 obitu inflicto Paterni solatii beneficiô curare fe-
 liciter, mitigare, sanare digneris. Jacturam, quam
 fecimus, Providentiâ Tuâ Sapientissimâ Benignissi-
 maq; maturè suppleas: & si parem nobis amisso non
 reddideris,

reddideris , at non multò dissimilem largiare. Illustrissimæ **HEROINÆ** Viduæ , ad quam dolor hic maximus maxima etiam ex parte redundat , solatiò Tuò Divinò atq; auxiliò nunquam defis , quæsumus , sed animum in adversis non minùs quàm secundis rebus Sui victorem , dignamq; Tuâ Pater Coelestis voluntate , Suò ingenio , Suorum votò , nostrumq; omnium expectatione Patientiam inspire. Unum , qui restat , **GULDENLOVIUM** instar omnium in perpetuas **AUGUSTI** delicias , lugentis Familiæ solatium , & totius Patriæ præsidium saluum nobis vegetum florentemq; conserves. Utq; in Eo terminetur , à quo coepit , oratio , quem præmaturò nobis obitu eripuisti , inter Coelites Tuos omnibùs Æternæ Gloriæ ornamentis cumulatam , & perenni virtutum tamâ inter mortales ipsos Immortalitati consecratum in **DANESCHIOLDIIS** Suis Illustrissimis irruptâ semper seræ posteritatis successione ad finem orbis ultimum

VIVERE , FLORERE , TRIUMPHARE
jubeas.

D I X I.

Quis **GULDENLOVIUS** fuerit , si nesciat ullus,
(*Quis tamen ?*) hunc pleniò **MASIUS** ore docet.

Me **TUUS** in tenebras **LEO** conjicit **AUREE** fulgor ,

At simul illustrat Luminis Umbra TUI.

Ne suprema tamen veneratio muta stupe scat ,

His mea TE Pietas mixta dolore colet :

HEROS , quem **BOREAS** , **OCCASUS** & **AUSTER** honorant ,

Cælesti Palmas ex ORIENTE tulit.



Brav: Skrift

Over

Hans Høye Excellence,
Den Højbaarne Herre /

M E R R

Christian Byldenløve /

Bræve af Samsøe /

Friherre af Lindenborg /

Ridder af Elephanten /

Hans Kongl. Majests. til Danmark
og Norge

General Feldt: Marschal / og Ober:
Cammer: Herre /

Som med Mand: Moed mange gange hafde over:
vundet sine Fiender /

Eengang blev overvunden af Døden /

Men

Med Andens Tro beholdt Sejer og vandt sin Overvinder.
Da Hans Himmel: baarne Siæl forlod Legemed den 15 Julij,

Og

Hans Højbaarne Legeme blev bortført fra Odense

den 26 Julii,

Med tilbørlig Erbedighed oprettet

af

T. K. Episcop. Fion.

E e

Her hviler Daaer Helt / hin
 brave Byldenlove /
 Fod og opfoftræd til at staa
 mod Doden Brobe /
 Udi den grumme Mark / hvor
 Mars med Gld og Blood /
 Uddeeler Sejer til sin kække Niem-
 pe = Rood.

Her lagde Hand sit Sværd / thi Do-
 den i hans Hæle
 Med Vinderlystighed sig paa Ham
 vilde stæle
 Udi hans Fode-Land / hvor den
 hans Bane spandt /
 Men Byldenlove dog i Doden
 Sejer vandt.

Unsterblicher Ruhm

Der

Im Tode selbst

Triumphirenden fromen Tapfferkeit/

Ben

Der Hoch-Ansehnlichen Beysetzung

Ihrer Höhen Excellence,

Des Weyland

Hochgebohrnen Herrn: Grafen

Christian Büldenlöw/

Ehro Königl. Mayst: zu Dennemarek
Norwegen / etc.

General-Feld-Marschal Lieutenant / Rittern
vom Elephanten und Ober-Cammer-
Herren / c.

In

Einem Kling-Gedichte

aus
Unterthäniger Pflicht entworfen
von

J. P. R.

Et 2

Wird

Wird so der Purpur-Glanz verdunkelt in
 dem Grabe?
 Wird so die tapffre Güt' / und Güt' ge
 Tapfferkeit /
 Die Freund und Feind geliebt / gelobet selbst der
 Neid /
 Durchs letzten Feindes Sturm gebracht zur übergabe?
 Ach / sehet ! **GULDENLÖV**, die theure Him-
 mels = Gabe/
 Der Dähnen Ruhm und Blum / des gros-
 sen Königs Freund /
 Ist in der schönsten Blüth / vom Tode nicht be-
 frent.
 So fällt die Pracht der Welt : so fällt der Erden
 Haabe!
 Doch / muß der Purpur-Glanz gleich hier verdun-
 kelt stehn /
 Wird man ihn höchst-verklärt im Himmel wie-
 der sehn.
 Kan hier die tapffre Blüth nicht reife Früchte
 tragen /
 Wird Ihr der Sieges-Krank doch dorten aufge-
 setzt ;
 Hiermit prangt **GULDENLÖV** da / wo
 kein Leid verletzt.
 Wer wolte diesen Held / der triumphirt / bekla-
 gen ?



Die

Die nach vielen herrlichen Werken

Erlangte

Unvergängliche Ruhme

Wolte

Nach dem Hochseligen Hintritt

Seiner Hohen EXCELLENCE

Des

Hochgebohrnen Herrn /

IIIIIIII

Christian Büldenlöw /

Herrn der Grafschaft Samsoe und
Freyherrn zu Lindenburg / Rittern
des Elephanten Ordens /

Ihro Königl: Majest: zu Dännemarc / Norwegen /
Hochbetrauten General - Feld - Marschal Lieutenants,
Ober - Cammerherren / Erffis - Ambtmann über Bergens Stift
in Norwegen und General Postmeisters
in Dännemarc /

Als

Dessen entseelter hoher Körper

den 6. Septemb. M. DCCIII.

In der Königl: Residentz Copenhagen

Indas Hochgräfliche Erbbegräbnis
gesetzt wurde /

Intieffster Unterthänigkeit
schmühtigst darstellen

M.C.T.H.

Es

Da



A Frankreichs Lilien-Pracht den Dritten Hein-
 rich ehrete /
 Der Polens Krohn und Trohn mit höchstem
 Ruhm besaß /
 Und Er aus seinem Reich sich zu den Gallen kehrte /
 An deren Stirn und Brust Er Ehr und Demuth laß /
 War Er doch nicht vergnügt mit diesen Purpur-Schätzen /
 Die vormahls Pohls Reich / ist Frankreich ihm geschenkt /
 Er ließ in diesem Sinn in seinem Denck - Spruch setzen
 Zwen Krohnen / die der Staub der Erden zu sich lenckt /
 Die dritte schwebte hoch an den gewölbten Zinnen
 Der blauen Himmels - Burg / mit dieser Überschrift: (1)
 Zwen Krohnen müssen doch zuletzt ein End gewinnen /
 Die letzte Himmels - Krohn verlacht der Zeiten Gift.
 Ein rechtes kluges Bild der Nichtigkeit der Erden /
 Da Unbeständigkeit den höchsten Grad bestiegt!
 Der güldne Iagus-Strohm muß doch zu Salze werden /
 Wann seine Süßigkeit sich zum Neptuno neigt /
 Und Qvadiana wird in Tellus Grufft verschlungen /
 Ob er gleich Portugall und Spanien durchströmt :
 Den Krohnen wird zuletzt ein Grabes - Lied gesungen /
 Und ihre Nichtigkeit macht sie zuletzt beschämt.
 Doch wen der Tugend Gold / wen Tapfferkeit bekrohneth /
 Wem Klugheit / Gottesfurcht die Sieges-Zweige bricht /
 Der wird nach dieser Zeit mit solcher Krohn belehnet /
 Die in die Ewigkeit die Glückes - Palmen flucht.
 Der grosse Hündenschw / den Stand und Hoheit zieret /
 Und der an Tapfferkeit der Feinde Bliz gewest /
 Der Gottesfurcht und Treu in seiner Brust geführet /
 Und den der Momus selbst ganz ohne Tadel läßt /
 Der hat die letzte Krohn die beste Ihm erworbet /
 Die selbst der Himmels - Fürst in seinen Händen trägt /
 Und die in ihrer Rund viel Seligkeiten zehlet /
 Dergleichen Pegu nicht in seinen Schätzen hegt. (2)

(1) Manet ultima celi.

(2) Man schreibt von einem Könige in Pegu, daß derselbe in seinem Schatz funffzig Krohnen gehabt / daran vie köstliche Edelsteine des ganzen Erdbodens / und neben andern edelste Di-
 manten geissen / deren jeder ein Pfund gewogen / und über eine Million Goldes werth geschä-
 het worden. Franciscus Ruhest. P. II. p. 53.

Und

Und so die Klugheit hier den Menschen Kröhen windet/
 So Tapfferkeit und Muth den Lorbeer-Zweig erlangt/
 So Gnad und Gültigkeit der Menschen Herzen bindet/
 So seht / wie dieser Löw mit glühnen Kröhen prangt.
 Die Klugheit selbst den war mit seinem Stand vermählet/
 Verstand und hoher Geist war sein vertrauter Freund.
 Themistocli wird dieß zum hohen Lob gezehlet/ (3)
 Daß er geschwind vollbracht / was er zuvor gemeint/
 Und daß er jederzeit sehr klugen Rath erfunden
 So wohl in Gegenwart / wann Unglück für der Thür/
 Als auch wann man erwog des Staates künftige Stunden/
 Hab er dem Staat gedient mit Rache für und für.
 Der kluge Guldne Löw wird keinem Fürsten weichen/
 Den doch Athen, der Sitz der Klugheit/ hat verehrt:
 Was unergründlich war/ kont sein Verstand erreichen/
 Welch Glück war Dännemarc durch seinen Rath beschert?
 Des Adlers scharffes Aug ward blöd und must sich schämen/
 Wann dieser Guldne Löw des Rathes Auge nahm/
 Und auch der schwerste Punct must sich gar leicht begeben/
 Was nur der Guldne Löw mit zu dem Kriegs-Rath kam.
 Die Klugheit krönte Ihn/ zumahl da sie verbunden
 Mit Gnade/ Gültigkeit und mit Gerechtigkeit/
 Des Aristidis Lob war bald für ihm verschwunden/ (4)
 Miltiades war fast ob ihn zum Neid bereit/
 Weil Er sie beyde hat an Tugend übertroffen/
 Gerechtigkeit und Huld war dieses Löwen Spruch/
 Man konte von ihm nichts als lauter Gnade hoffen/
 Und Seine Freundlichkeit war ohne falschen Trug.
 Kommen ich zur Tapfferkeit/ so sind ich tausend Zeugen/
 Daselbst den Freund und Feind mit höchstem Ruhm einstimmt.
 Was Holland prägen ließ/ gehöret Ihm zu eigen: (5)
 Der Löw zu keiner Zeit der Banden Last annimmt.

Je

(3) Cornelius in vita Themistoclis: Neque minus in rebus gerendis promptus, quam excogitandis erat, quod & de instantibus verissime judicabat, & de futuris calidissime conjiciebat.

(4) Aristides ist wegen seiner Gerechtigkeit und Miltiades wegen seiner Leutseligkeit verühmt.

(5) Anno 1588. schlugen die Staaten eine Münze/ darauf ein Löwe/ welchen der Spanier und Papst anlachten/ mit dieser Schrift: Vinciri Leo pernegat. Meteran. Hist. Belg. I. 14. pag. 491.

Je mehr ich Krohnen such/ die dieser Löw getragen/
 Je mehr eröffnen sich; Je mehr Gelegenheit
 Creugnet sich anitz zum Weinen und zum Klagen/
 Da Klugheit/ Gütigkeit/ versuchte Tapfferkeit
 Den Staub der Erden küßt/ O Mortens grimmes Wüten
 Greißt Dännemarc ans Herz/ vergießet Thränen Blut/
 Und will durch diesen Fall uns Ach und Weh gebieten/
 Weil wir nicht würdig sind dieß unschärpbahre Gut.
 Der grosse Guldenslöw ergreift die Himmels-Krohne/
 Die Ihm die letzte zwar/ doch auch die beste ist/
 Er steht in Purpur-Pracht für IESU Gnaden-Throne.
 Ach aber Dännemarc den Guldnen Löwen mißt!
 Des Reiches Steuer-Mann betrauret den Getreuen/
 Die Hohen insgesamt sind nur in Leyd verhüllt/
 Vom König biß zum Knecht denkt keiner ans erfreuen/
 Die weil des höchsten Zorn die Schaal mit Vermuth füllt.
 O Unglücksseelger Tag/ der ewig zu betrauen!
 O Tod! was nimmst du uns den theuren Helden hin?
 Ach! mich umfänget Furcht/Betrübniß/ Angst und Schauern/
 Wann ich mir stelle für den hochbetrübten Sinn/
 Die Angst/ das Weh und Ach/ das die Gemahlin beget/
 Die nun zum andernmahl den Wittwen-Stand erlebt/
 Die den betrübten Geist mit schwarzer Angst belegt/
 Und zwischen Furcht und Weh mit matter Seele schwebt.
 O GOTT laß deinen Trost durch Ihre Seele dringen/
 Erfreue Ihren Geist/ den du zuschlagen hast/
 Laß deinen Freuden-Geist Ihr süßen Balsam bringen/
 Und leichtre durch dein Wort die gar zu schwehre Last!
 Wir aber/ die wir all durch Seinen Tod verletzet/
 Wir werffen zu der Grufft viel tausend Krohnen zu/
 Und ob gleich unser Aug durch Seinen Tod beneket/
 So wird doch keiner Ihm mißgönnen Seine Ruh/
 Drum ruhe ewig wohl/ du Ausbund aller Helden/
 Der Du Gerechtigkeit und Gottesfurcht geliebt/
 Der Himmel wird es Dir mit jener Krohn vergelten/
 Was Du hier als ein Löw mit Gottes Krafft verübt.



Die

Die Rische

Des unvergleichlichen Nordischen Heldens

Ihro hohen Excellence,

Des Wenland

Hochgebohrnen Grafen und Herrn/

HERRN

Christian Büldenlöw/

Herrn der Grafschaft Samsoe

Freyherrn zu Lindenburg/ Rittern

des Elephanten Ordens/

Ihro Königl: Majest: zu Dännemarck/ Norwe-

gen/ Hochbetrauten General-Feld-Marschal Lieu-

tenants, Ober-Cammerherrn/ Stifts-Amtmanns über Ber-

gens Provinz in Norwegen/ und General-Post-

meisters in Dännemarck/

u. s. w.

Verehrte

An Desselben Hoch-Ansehnlichen

Christ-Adelichen Beerdigungs-Tage

den 6. Septembr. dieses 1703. Jahres/

mit diesen eilfertig aufgesetzten

von aller Poetischen Schmincke entfernten Zeilen/

Des Hohen Hoch-Gräflichen Hauses

Untertänig-gehorsamst-

ergebenster Diener

A. v. D. B.

Gg

38



I.

Ist dann betrübt es Norden-Land /
Dein Welsfahrts-Etern so fern entwichen/
Hat dann die strenge Parcen-Hand
Den Freuden-Wunsch dir durchgestrichen?
Verwandelt sich dann deine Pracht
In Pein? dein Preis in bläßen Zeichen?
Die Federn in Cypressen-Sträuchen?
Der Tag in schwarzer Mitternacht?

II.

Fliegt die erbizte Wetters-Flamm
Noch trokig fort mit stürm- und wüthen?
Da sehier das wandend Schiff im Schlamm /
Die Ruder loß / die Ruder schüttern:
Da Gang und Bort ist umgekehrt /
Die Planken weg / der Mast zerstücket;
Da schon Compas und Glas verrückt;
Da Mann und Gut zu scheitern fährt?

III.

So handelst uns die herbe Noht/
Die auf des Landes Haupt ergrimmet;
Der auf uns ausgerüßte Tod/
Der uns mit brausen überstimmet.
Wir rennen hüßflos in Gefahr:
Des edlen Nordens stärkste Seule
Zerschlägt sich in so schneller Eyle
An die verhaßte Todten-Bahr.

IV.

Es hat die Demuth ihren Sitz
Mit Dir/ ruhmwürd'ger Held/ verloren:
Die Himmels-Liebe Pfeil und Blik:
Der Armuthstand Erbarmungs-Ohren:
Bellona ihren Liebsten Sohn:
Die Tapfferkeit ihr Wonn' und Zierde/
Ganz Norden dero hohe Würde/
Weischland der Helden Helden-Krohn.

V.

Dis alles hat der Tod verstreut
Auch schier in einem Sonn-umwenden:
Die Sonne Deiner Freundlichkeit
Muß mit dem Tages-Licht sich enden/
Du/ der Du Hand und Herz gewand
Auf armer Armen Noth und Klagen/
Auf der Bedrängten Drang und Zagen/
Entweich'st Du Deinem Vaterland?

VI.

O nichts Nichts/ wie bald verfäßt
Der arme Mensch/ die Hand voll Erden!
O Dunst/ O Phantasie der Welt/
Die Welt-Pracht muß zur Erden werden!
Man decket Ehre/ Hoheit/ Stand/
Den Titul/ Purpur und Gepränge/
Der aufgeführten Schlösser Menge
Mit einer leichten Hand voll Sand!

VII.

Was nützt doch alles/ das uns ziert?
Was ist Günst/ Kunst/ und hohes Wissen?
Wann da der Tod sein Recht ausführt/
Und wir die müden Augen schließen?

Der höchste Ruhm ist Rauch und Wahn/
Der die vertheilte Luft durchstreicht;
So bald der Mensch von binnen weicht/
Fragt keiner fast/ was man gethan?

VIII.

Wir fliehen durch der Tage Traum/
Durch leeren Glanz der Guckseiten/
Durch schneller Jahre Ström' und Schaum/
Durch lautern Tod der trieben Zeiten/
Und sagen öfters gute Nacht/
Indem wir rechnen Jahr auf Jahre;
Da dann die schwarze Todten Pforte
Uns schon wird für die Thür gebracht.

IX.

Hier blüht kein Arkt: Der Mensch ist Staub/
Kein Feind noch Freund: Wir sind verlassen/
Kein Kraut: Wir sind Glas/ Glas und Laub.
Der Schönheit: Blüß muß selbst erblaffen.
Kein krauses Haupt/ kein krauses Haar/
Kein Stand/ kein Adel/ wir sind Erden/
Kein Ruhm: Wir müssen Asche werden/
Gut/ Muht und Blut fällt auf die Pflur.

X.

Doch aber kan die letzte Nacht
Die von der Thränen- Welt uns reißet:
Die sanffte Ruh/ die stille Nacht/
Die unsre Leiber sterben heißet/
Nicht nach sich ziehn der Seelen: Glanz/
Den Geiſt/ der Gruft und Grab verlachtet/
Der (trotz den Himmels- Lichtern) wachet/
Der weiß von keinem Todten: Tantz.

XI.

XI.

Nun Du hast auch nach Ach und Weh /
 Hechseeliger / die Ruh gefunden /
 Du hast die Trübsals Höh und See /
 Den Sturm der Höllen überwunden.
 Dort war der Kampff: Hier ist der Lohn/
 Dort hoffen / wünschen: Hier erlangen/
 Dort Leyd und Last: Hier Lust und Brangen /
 Dort Angst und Kercker: Hier der Thron!

XII.

Hier geht der Freuden: Morgen auf /
 Der Vollust: Lenk nach Weh und Wimmern.
 Hier siehest Du des Himmels: Lauff
 Von zehnmal tausend Sonnen schimmern /
 In Wonne / die kein Sinn ersinnt:
 In Freude / die kein Ohr gehöret:
 In Lust / die nie kein Leyd verkehret:
 In Lieblichkeit / die nie zerrinnt.

XIII.

O Friedens: Freud! Wir hören fast /
 Wie Dein Erlöser ruft willkommen /
 Verlangter lang erwünschter Gast /
 Der Himmel der Dich aufgenommen /
 Der führt Dich aus Pech: schwarzer Nacht
 Ins güldne Schloß der Ewigkeiten:
 Gremiel soll Dich begleiten /
 Der Dich im Sterben hat bewacht.

XIV.

Last dann / Bestürzte / willig ab
 Vom überhäufften Ach und Thränen:
 Eur hohes Haupt ist nicht ins Grab /
 Er ist da / da wir uns hinsehen.
 Sein irdisch Haus / der Leib verfällt /
 Der Stoc / der Nothstall Seiner Seelen/
 Des Kerckers enge Marter: Hölen /
 Die Seele lebt im Wolcken: Zelt.

5h

XV. Co

XV.

So schlaff / o **Held** / dann ruhig ein :
 Wir ruffen Dir nicht mehr zurücke /
 Uns / uns Bedrängte drückt die Pein;
 Du lebst in Freuden - vollem Glücke /
 Du bist in Lust : Wir sind in Noht /
 Du siegest schon : Wir Schwache kriegen /
 Du stehest fest : Wir Müde liegen /
 Du herrschst : Uns zwinget Noht und Tod.

XVI.

So schliesse sanfft die Augen zu/
 Die Welt ist Deiner Lust zu enge /
 Der Himmel rufft Dich selbst zur Ruh /
 Nach deiner kurzen Jahren Länge.
 Doch schwiget noch zu guter Letzt/
 Ihr Marmor - Steine / schwiget Thränen:
 Ihr Felsen / seuffzt mit vollem Schnen:
 Traurt Lüfte : Wolcken send beneht.



Coeli Epicinium,
Soli Epicedium,
Tumbæ Epitaphium,

IN

HEROEM

In terris Illustrissimum,

Nunc

IN COELIS BEATISSIMUM,

CHRISTIANUM

GULDENLÖWE,

Dominum de Comitatu Samsoæ,

Baronem de Lindenberg/

Eqvitem Auratum Elephantini Ordinis,

Augustissimi Regis

In Bello Ducem,

In Cubiculo Præfectum Summum,

Cum mortales exuviæ immortalis cum

Deo beatisque Manibus animæ,

in hæreditario sepulchro,

in Templo Beatæ Virginis

Hafnienfi

Solennissimâ Pompâ conderentur,

d. 6. Sept. Ao. 1703.

Piissimè & observantissimè representatum

a

M. E.

Hh 2

Lucius

Luctus an exultatio major?

Dubium!

Luctus ingens,

MAGNUS DANIAE

HEROS

CHRISTIANUS GUL-

DENLÖWE,

Decesfit,

Quæ

Sanctiorem Sanctus Deo cœtus,
Digniore Purpurâ & Elephantinò Ordine Aula,
Illustriorem Generis Splendor,
Fortiorem Bellona,
Iustiore Astræa,
Meliosem Patria,

Vix ac ne vix deprehenderunt.

Hic tantus Heros occidit,

Deo Manibusque Consecratus!

Qvis talia fandò temperet à lachrymis?

Sed major exultatio,

Quippe,

Qvi vim intulit Cœlo, jam rapuit Cœlum,

Regi Charus,

Deo Charior,

Hanc virtutum Imaginem, quæ in Illustrissimo Herœe
splendidissimè reluxit, quasi brevi Tabellâ enixe & ob-
nix de lineare vellem, nisi ipsa sibi magnitudo re-
rum obstaret, virtutumq; facies aciem in-
tentionis meæ præcideret.

Sed

Ignoscite tenuitati meæ, Inclytissimi Herois piissi-
mæ Manes, labantem manuducite,
piissimæ Musæ.

Ut

Ut,
Qvi viri Principis virtutem ostendere nequeo, non ni-
hil in duraturam memoriam & Posterita-
tis curiositatem conferam.

Mœcenas Atavis edite Regibus!

ALEXANDER MAGNUS

Genus suum ad Achillem & Herculem referebat,
Maluisset ad Jovem,

ROMULUS & REMUS

Marte se Genitos Gloriabantur,

JULIUS ASCANIUS

Pium ÆNEAM,

ÆNEAS

Satores ac Parentes Anchisem

Et
Deam Venerem

Agnoscebant,

Quippe

Magnorum Natalium Socia est magna Virtus,

Nec
Mens excelsò locò nata excelsa meditari nequit,

Nam
Virtus Lumina spargit,

Dum

Lumina imitatur,

Fortunæ armis induta sola Virtus exarmatur,

Et

In summa rerum Potentia

Summa Animi impotentia est,

Nisi continuis Avitarum virtutum præceptis stabiliatur,

Quapropter,

Cum exploratum esset, Rempublicam non magis

Armis quam Artibus ornari,

Non

Marte magis quam Musis Juvari,

Non

Saga melius quam Toga protegi,

Ii

E

Et
Cordatissimum quemque cum Ulyssæ
Cyclopi specus securè intrare posse sed egredi,
Solis boves videre sed abstinere,
Ad inferos demere sed redire,
Scyllam præternavigare nec abripi,
Charybdin conspiciere nec retineri,
Circes poculum bibere nec mutari,
Ad Lotophagos adire nec remanere,
Sirenes audire nec accedere,
Animum Beatissimus HEROS
Non Arte minus quam Marte munivit.

Et
In Beatissimo Heroe pietas, reliquarum Virtutum
Vertex, umbilicus, finis & nexus fuit.

Hâc ibatur ad Astra,
Hâc Deum gestabat, Deo ipsum gestante,

Hâc cælum sustinuit,
Hâc non in solis Currum ut Phaëton sublatum,

Sed ad SOLEM JUSTITIÆ translatus.
EUDOXUS vovit ut sibi facultas fieret Solem proxi-
mè accedendi ejusque formam, magnitudi-
nem & pulchritudinem contemplandi,

Sed

GULDENLÖWE

EUDOXO Major & visione Beatior;
Solem Factorem solis quam proxime semper cernebat,

Hinc
Simul vita ejus Illustrissima,

Qui Ipse Illustrissimus fuit,

Quod enim REGINA TANQUIL,

MATER SERVII TULLII,

Cubicularumque Virgines,

Circa caput dormientis Servii conspexerunt,

Quodque in Comis L. Marcii resplenduit,

Id in Universa vita

BEATISSIMI HEROIS Nostri conspicuum fuit.

Et

Et fac;
Splendentem comam SERVIO TULLIO
Claritatem Nominis,

Flammam
LVCIO MARCIO
Victoriam portendisse,

Certè
Longe Major in terris,

Et
Præcipue in Cœlis gloria
Illustrem Beati Nostri

GULDENLÖWII
Vitam sequuta est.

At
Occupat nos luctus & Mœstitia,

Imprimis
Generosissimam Conjugem,
Splendidissimam Matrem,
Illustrissimum Fratrem,
Jucundissimos Natos,

Quod HERŌS NOSTER à nobis discefferit,

Sed
Anima cum Deo & Sanctis Angelis in æternum vivit,
Virtus in Orbe Arctoo fulget dum homines superant,
Fama quâ super Æthera notus est, manat & manet,
Dum Sol terrarum Orbem peragrat.

Et
Corpus tumba sua occultitur,

Donec
Iterato cum Anima connubio

Corruptionis expers
Æternâ gloriâ ac immortalitate

Induetur.
Fui non sum,
Estis non Eritis,
Quid sim videtis.
Quid fuerim nostis,
Ipsi quid futuri sitis,
Hospites cogitate.



ita hominis nihil est, nisi crux nisi pulvis
& umbra,
Bulla, labor, fulmen, fabula, flamma,
nihil.

Qvippe Caput nullum intactum Proserpina linquit,
Et Juvenes senibus miscet avara lues.

Regibus haud parcit, HEROUM funera prostant,
Strataqve PALLADIIS fœtibus antra jacent.

Iple ideo jubeor lugubria fundere verba,

Qvod periit GÜLDLEW, qvi mihi Tutor erat.
Sed qvid plura loqvar? cœlestis sedibus Aulæ
Dignior ac Terris cœlica sacra videt.

Qvis tuus in nostros furor hic Libitina Penates,
Cur tam præpropera germina falce metis?
Fas foret in seras ut svavem PATRIA Messes,

Fata reservâssent hunc remorata VIRUM.

Omnia ridebant, & erat gratisima Vitæ

Æstas qvæ Mesis spem manifesta dedit.

At bene speratam falx insperata (dolendum!)

Prævenit in Flores, accelerata ruens.

HEROEM fundit qvi florentissimus Annis,

Ingeniô, Formâ, Viribus, Arte fuit.

Scilicet Annosis MORS hunc senioribus æquat,

Qvem BELLONA gravem fecerat ante Senem.

EPITAPHIUM.

C^onditur hoc Tumulo qvicqvid mortale re-
linqvis,

ARCTÛS DELICIVM, TV, LEO, REGIS
amor.

At Decus, & celebris tumulari nescia Virtus,

DANIA dum superest Nostra, Superstes erit.

De.

Dødens Komme /
Snarlig for Somme /
Færlig for de Gromme /
Salig for de Fromme /

Bæmodigst erindret da

Den ypperlige Kongens Mænd /

Den umistelig Rigers Mænd /

Den drabelige Krigens Mænd /

Hans Høye Excellence

Den Højbaarne Herre /

H E R R

Christian Guldensløve /

Bræve til Samsøe /

Friherre af Lindenborg /

Ridder af Elephanten /

Hans Kongl. Majests. til Danmark
og Norge / etc. etc.

General Felt = Marschal

Og

Ober = Kammer = Herre /

K f

Hasde

^{Hafde gjort}
 Een Enarlig Udgang fra Verden /
 Een Farlig Obergang fra Døden /
^{Wens}
 Een Salig Indgang til Himmelen /
 Fra Striden til Severn /
 Fra Kampen til Kronen /
 Fra et fremmed Land
 Til sit Fæderne Land /
 Og Legemet som her hafde været
 Et Ondeligheds Tempel /
 I Henseende til sin GUD /
 Et Redeligheds Tempel /
 I Henseende til sin Konge /
 Et Mandeligheds Tempel /
 I Henseende til sin Fiende /
 Blef nedsat til Hvile udi Guds Tempel paa Jorden /
 Til at forklaris udi et uden Hænder bygt Tempel
 i Himmelen;
 Efter at Hand som med et ret Løve Moed
^{Hafde overvundet}
 Saa mange Farligheder af Fienden /
 Saa mange Fristelser af Dievelen /
 Den brølende Løve /
 Med Lovens Magt af Juda
 Overvandt den sidste Fiende Døden /
 Der ellers kand sønderbryde vor Been som en Løve /
^{Og kom}
 Ved en Salig Død /
 Fra Verdens Rød /
 Til Abrahams Skød.

Den Hovbaarne Salige Herre
 til sidste Være /

Da hans Afsælede Besninger blef hensat til at see For-
 raadnelse udi vor Frue Kirke i Kiøbenhavn
 den 6. Septembr. Anno 1703.

udi dybeste Ydmyghed fremstillet af
 M. E.



Sit af den søde Viin den suure Redit bliver /
Den smukke Rose os de hvasse Tørne giver /
Den gylden Soel saa tit Kuldsorte Ekker
faar /
Den blanke Maane tit udi Formørkning
gaar.

Saa laver Deden det / hand uden Complementer,
Borttager Følt i Flæng og hen til Graven henter /
Den Følke-Hadere / den strenge Syndens Sold /
Mød Høn og Nedrige Hand bruger lige Vold.
Hand som med Løve-Mood sin Fiende kunde tue /
Hand maa dog fældis her af Dødens søle Bue /
Hand som for Fienden var ret ligesom en Skref
Her Guldenløve / faar een dødelig Afbref.
Om Ajax Bræstenland fand og Achille tale /
Chartago meget veed af Annibal at prale /
Men dette intet er / Europa meere fand
Af Guldenløve / den u-mistelige MAND.
Tyskland / Italien / Frankrig / de Spanske Lande /
Til Hans Berømmelse skal dette med Ham sande /
Mars og Bellona-selv med Hannem vidne fand /
Hand Cæsar var af Moed / Pompejus af Forstand.
Af Kioen / siger mand / mand fiende fand een LOVE /
Vor Guldenløve har beviist saa mangen Prøve
Paa sit ret Løve-Moed / den heele Verden veed /
Hand var een Skraef i Krig / een Blæde udi Fred.
Vor Konges anden Haand hvor til Hand kunde hælde /
Som var at lide paa i Fred og Krigs Tilfælde /
Een saa ged ærlig Danst og Dannegod en MAND /
Som elsted var af hver i Danst og Norske Land.

Hand burde Nestors Aar paa Leve-Ranen rendet /
 Indtil Hans Noes den var ald Verden om udsendt /
 Men see Hand er alt død ! dog Navnet leve skal /
 Saa længe der er til i Verden Bierg og Dal.
 Alt hvad paa hannem var / for ævigt var at regne /
 Self Fama skal Hans Lof til Evigheden tegne /
 Hans store Navn hos os skal aldrig undergaa /
 Saa længe Daavre Fjeld i Norge land bestaa.
 Etig ned Calliope ! i fra Gudinders Throne
 Og bliv som de i Rom/ i Dage en Bede-Rene /
 Beed alle Guder og Gudinder/ at de sig
 Vil lave til at gaa med Gyldeulovs Rig.
 Omheng saa Himmelen med sørgende Gardiner /
 Og holder hver og een saa gode Sørge-Miner /
 Som kand beqvemme en saa høj og mandig HERT /
 Som Kongens beste var i Hoffet og i Felt.
 De Døde blef udaf de Gamle brændt til Aske /
 Der blef opsamlet og bevaret i een Flaske :
 Jeg gandske gaar forbi den blinde Hedning Riis /
 Dog ævig gienne vil Her Gyldeulovs Riis.
 Er Hand end alt for snart lagt ned i Dødens Dvale /
 Saa skal hvert Træ/ hver Steen/ hver Tunge om Ham tale/
 Hans store Ære-Navn skal blive u-forgiædt /
 Naar andris Noes den blir af Tidens Rust opædt.
 Hvad fordynt Manlius og Scipio har drevet
 Udi Italien / har Livius bestrevet /
 Den Krig de førde der for mange hundred Aar /
 Udi Hufommelse i Landet endnu staar.
 Blandt disse Scipio indlagde største Ære /
 Mand sagde hannem fød af Guders Sæd at være /
 Det til et Ordsprog blef/ for alle i den Tiid /
 U-overvindelig er Scipio i Strid.
 Den store Macedo Kong Alexander vilde
 Om sin Extraction sig store Ting indbilde /
 Fra Hercule hand og Achille regnet ud
 Sin Herkomst/ ja end og fra Jove øverst Gud.

Remus

Remus og Romulus Ærgierig sig berømmer/
At de var Martis og Krigs Gudens egne Sønner/
Julus Ascanius Æneam gjør til Far/
Æneas siger at Venus hans Moder var.

Lad dette være/ som det er/ kun Enaf og Drømme/
Hans Høye EXCELLENS jeg billig fandt be-
rømme
For sin Oprindelse/ der var saa høy og god/
Ud af det gamle Troe og Danske Konge-Mod.

Sin Ære Scipio da gierne maa beholde/
Dog skal Italien til Gyldeuløve Tolde
Den Renomé, at Hand var der af Løve-Art/
Og hvor de Danske kom der gjorde de det bart.

Med Trebia der før saa dejlig Hug har banket/
Da Tienden lystig blef af Scipione banket:
Poo vidne skal endnu og tale om den Kamp/
Da Danske ved Luzar gaf paa de Franske Damp.

Manlius, Scipio, de fandt sig overvunden/
Af Danske-Hædte Moed/ og dennem til forbunden/
Da i Italien een tolv Aars Krig blef ført/
Og ud af Cimbrerne de Romers Magt forstørt.

Om Longobarderne Italien fandt sige/
At de i Mandighed en havde nogen Lige/
Foruden Gyldeuløb/ mand efter dem en saae
Udi Italien de Danske Troupper staa.

Der hos de Romere i deris Graver hængte
Antændte Lamper/ saasom ideligen brændte/
Her Gyldeuløvis Roes skal aldrig sluckis ud/
Mens stine her/ret som Hans Siæl der gjør for Gud.
For

For hver een draabe Blæk / der af min Pen udsnyder /
Mit Dye gir een Taar / et Suf mit Hierte yder /
Hvo fand i dette Fald vel holde sig for Graad?
Jeg med mit Dyne-Band her gjør Papiret vaad.

Forlad mig Salig Siæl jeg ikke fand opfolde
Min store Skyldighed / dog vil jeg som forgylde /
Med dette sorte Blæk / dend Mandig CHRISTIAN,
Hvis Roes skal vore højt som Ceder og som Gran.

Dermed er stoppet til / min Riime-Flod og Aare /
Jeg resten gjøre vil / med mine Suf og Taare.
Viid heele Verden / at Her? Gylldenløv er død /
Men aldrig slukes skal Hans Lov og Ære-Glød.

Jeg saasom een Client oprenser denne Støtte /
Om Gylldenløves Død og alt for tilig støtte /
Jeg Hierte-kippet staar af Sorg og bryder af /
Dog sukker disse Vers til Ære paa Hans Graf.

* † * † *

Graff=Skrift:

Saa god og ærlig Dansk en
Mand /
Som Kongen har i alt sit Land /
Her hviler tryk og rolig.

Her

Her ligger under denne Steen/
Her? Byldenlovis døde Been
I denne Orme-Volig.

Her ligger Mod og Mandighed/
Her ligger fiæck Forstandighed
I denne Grab begravet.

Her ligger Nere / Trost / Dyd/
Med hvad en General er prydt/
Var Byldenløw begaved.


En Mand som Kongen elsked mest/
En Mand som meente Riget Best/
Og heele Landet gasned.

Den Salig Herre Byldenløw
Her ligger udi dette Stob/
Og bliver meget safned.

Men her er meere end mand troer/
I denne Graf hvor Troppen boer/
En Engel er at finde.

Sov Byldenlove sødt og vel/
 Bud glæd ævindeligt din Siæl/
 Drag Væser det til Minde!





MEMORIE POPULI AVE DECEDE
 SERVITUTINUS ATQUE EXCELENTISSIMUS
CHRISTIANUS GULDENLEW
 DOMINUS CONSTATUS SANSO.E.
 CBER BERO DE LINDENBORG.
 EQUES. ELET. ORD. HURATUS
 SEREN. REGIE. MAJESTAT. DANIE. VICE. ET
 HACON. TRATEGUS. GENERAUS. SUMMO. PROXIMUS.
 SIGRENIUS. CYBICULO. REGIO. PREFECTUS.
 ET. TAGE. ADAM. DANICE. CIRCATOR. ETC. ETC.
 ANNO. M. DCC. LIII

Cedite Romulida! Lauris concedite Danis
 Graugena! tulit omne Leo punctumque decusque
 Arctous facie quo nec formosior olim
 Ipse Paris, bello nec major magnus Atrides
 Alcideve; MANU nec MENTE, vel artibus, Urbs
 Gloria nobilior, Cesar. Pax Dana triumphum
 Asferit et Maro exterus Huc. Testabere talem
 Gallia! novisti Latium! Var denique tristes
 Hoc vestrum cecidisse Decus lugete Triones!


Eneasfichio hoc Anagrammatico


Exuvias Magni Leonis

adorat

Lipen.

notum





3,000.-

SPECIAL 91-3
25587

